



Llywodraeth Cymru
Welsh Government

Pecyn gwybodaeth i ymgeiswyr

**Partneriaeth Moroedd ac
Arfordiroedd Cymru
(PMaA Cymru)**

Penodi Cadeirydd

Dyddiad cau : 07 Mawrth 2023

{Partneriaeth Moroedd ac Arfordiroedd Cymru (PMaA Cymru)}

Cynnwys

Page

Gwneud cais

2-4

Atodiad A: Rôl a manyleb y person

5-8

**Atodiad B: Rôl a chyfrifoldebau Partneriaeth Moroedd
ac Arfordiroedd Cymru (PMaA Cymru)**

9

Atodiad C: Y broses ddewis

10

{Partneriaeth Moroedd ac Arfordiroedd Cymru (PMaA Cymru)}

Gwneud cais

Diolch yn fawr iawn am fynegi diddordeb yn swydd Cadeirydd Partneriaeth Moroedd ac Arfordiroedd Cymru (PMaA Cymru). Prif elfennau'r rôl eang ei gorwelion hon yw meithrin cysylltiadau a rhwydweithiau, hyrwyddo arfordiroedd a moroedd Cymru, dylanwadu ar benderfynwyr, cynnull grwpiau buddiant a'u galluogi i gydweithredu, a meddu ar wybodaeth ynghylch cymhwyso'r fframweithiau deddfwriaethol allweddol yng Nghymru. Mae'r Atodiadau yn rhoi manylion rôl y Cadeirydd a manyleb y person, rôl a chyfrifoldebau PMaA Cymru a'r broses ddewis.

I wneud cais, ewch i wefan penodiadau cyhoeddus Llywodraeth Cymru:

[Penodiadau Cyhoeddus - \(tal.net\)](#)

I wneud cais am y swydd, cliciwch ar y swydd [Partneriaeth Moroedd ac Arfordiroedd Cymru \(PMaA Cymru\) Penodi Cadeirydd - \(tal.net\)](#) ac yna cliciwch ar y botwm 'Gwneud cais' ar waelod y dudalen ar yr ochr chwith.

Y tro cyntaf y gwnewch chi gais am swydd, bydd angen ichi lenwi ffurflen i gofrestru ar system ymgeisio ar-lein Llywodraeth Cymru. Dim ond unwaith y bydd angen ichi gofrestru, a thrwy wneud byddwch yn gallu dilyn hynt eich cais, ac unrhyw geisiadau eraill rydych wedi'u hanfon, trwy'ch cyfrif.

Ar ôl cofrestru, byddwch yn cael gweld y ffurflen gais. I wneud cais, bydd angen ichi lanlwytho datganiad personol a CV i adran 'Rhesymau dros wneud cais' y ffurflen gais ar-lein.

Datganiad Personol

Eich datganiad personol yw'ch cyfle i ddangos sut yr ydych yn bodloni'r holl feini prawf a nodir ym manyleb y person. Chi sydd i benderfynu sut i gyflwyno'r wybodaeth. Fodd bynnag, dylech geisio rhoi [enghreiffiau](#) manwl sy'n dangos sut mae'ch gwybodaeth a'ch profiad yn cyfateb i bob un o'r meini prawf, a beth oedd eich rôl chi wrth gyflawni amcan penodol. Helpwch y panel dewis trwy ddangos yn glir pa dystiolaeth sy'n berthnasol i faen prawf penodol. Mae'n arferol neilltuo paragraffau ar wahân ar gyfer pob maen prawf.

Peidiwch â gadael i'ch datganiad personol fynd yn fwy na dwy dudalen o hyd.

CV

Sicrhewch fod eich CV yn cynnwys manylion bras eich swydd bresennol neu ddiweddaraf, a'ch dyddiadau yn y rôl. Nodwch unrhyw benodiadau Gweinidogol presennol neu flaenorol.

Tystlythyrau

Rhowch enwau dau ganolwr (cyflogwr a phersonol). Byddwn yn cysylltu â nhw os byddwch yn llwyddiannus.

Amserlen fras

Dyddiad cau:	07 Mawrth 2023
Llunio rhestr fer:	13-20 Mawrth 2023
Cyfweliadau:	w/d 17 Ebrill 2023

{Partneriaeth Moroedd ac Arfordiroedd Cymru (PMAA Cymru)}

Datganiad ar Amrywiaeth

Mae Llywodraeth Cymru o'r farn y dylai aelodau byrddau cyrff cyhoeddus adlewyrchu cymdeithas Cymru - pobl o bob cefndir - er mwyn helpu'r byrddau i ddeall anghenion pobl ac i wneud penderfyniadau gwell. Dyna pam mae Llywodraeth Cymru yn annog ystod eang ac amrywiol o unigolion i wneud cais am swyddi ar gyrff cyhoeddus. Rydym yn croesawu'n arbennig geisiadau gan bob grŵp sydd heb gynrychiolaeth ddigonol gan gynnwys menywod, pobl dan 30 oed, pobl o gefndir du, Asiaidd ac o leiafrifoedd ethnig, pobl anabl a phobl lesbiaidd, hoyw, deurywiol a thrawsryweddol.

Hyderus o ran Anabledd

Mae Llywodraeth Cymru yn derbyn y diffiniad cymdeithasol o anabledd, sy'n cydnabod bod rhwystrau mewn cymdeithas yn gallu analluogi pobl sydd â nam neu gyflwr iechyd, neu sy'n defnyddio iaith Arwyddion Prydain. Rydym wedi ymrwymo i ddileu rhwystrau fel y gall pob aelod o staff wneud ei orau. Mae Deddf Cydraddoldeb 2010 yn defnyddio'r diffiniad meddygol o anabledd ("nam corfforol neu feddyliol sy'n cael effaith sylweddol a hirdymor ar allu person i gyflawni gweithgareddau arferol o ddydd i ddydd").

Rydym yn gwarantu cyfweld ag unrhyw un sy'n gofyn am gyfweiliad o dan y cynllun gwarantu cyfweiliad cyn belled â bod ei gais yn bodloni'r meini prawf hanfodol gofynnol ar gyfer y swydd dan sylw. Mae bodloni'r 'meini prawf sylfaenol' yn golygu bod rhaid ichi roi tystiolaeth yn eich cais sy'n dangos eich bod yn bodloni'r lefel ofynnol ar gyfer pob cymhwysedd. Mae'n rhaid ichi hefyd feddu ar unrhyw gymwysterau, sgiliau neu brofiadau a ddiffinnir yn rhai hanfodol.

Rydym wedi ymrwymo i ddatblygu pobl anabl yn eu swydd a'u gyrfa. Os hoffech warant o gyfweiliad, cysylltwch â'r Tîm Penodiadau Cyhoeddus trwy e-bostio publicappointments@gov.cymru i roi gwybod iddyn nhw.

Os oes gennych nam neu gyflwr iechyd, neu os ydych yn defnyddio iaith Arwyddion Prydain, ac yn dymuno trafod addasiadau rhesymol ar gyfer unrhyw ran o'r broses recriwtio hon, cysylltwch â'r Tîm Penodiadau Cyhoeddus cyn gynted ag y medrwn a bydd aelod o'r tîm yn cysylltu â chi i drafod eich gofynion ac i ateb eich cwestiynau.

Cysylltiadau:

I gael rhagor o wybodaeth am y broses ddewis, cysylltwch â:

Y Tîm Penodiadau Cyhoeddus
Uned Cyrff Cyhoeddus
E-bost: publicappointments@gov.wales

Am fwy o wybodaeth ynglŷn â rôl Partneriaeth Moroedd ac Arfordiroedd Cymru a rôl y Cadeirydd cysylltwch â Hilary Evans, Is-adran y Môr a Physgodfeydd

Ffôn: 03000 257992
E-bost: marineandfisheries@gov.wales

Os hoffech ragor o help i ymgeisio am y swydd, cysylltwch â publicappointments@gov.wales.

{Partneriaeth Moroedd ac Arfordiroedd Cymru (PMaA Cymru)}

Os hoffech ragor o wybodaeth am Benodiadau Cyhoeddus yng Nghymru, ewch i [Penodiadau cyhoeddus | LLYW.CYMRU](#)

Atodiad A

Penodi Cadeirydd Partneriaeth Moroedd ac Arfordiroedd Cymru

Disgrifiad o'r rôl a manyleb y person

Rôl a chyfrifoldebau

Prif swyddogaeth y Cadeirydd yw arwain Partneriaeth Moroedd ac Arfordiroedd Cymru (PMaA Cymru), gan hyrwyddo pwysigrwydd moroedd ac arfordiroedd Cymru.

Gweler Atodiad B isod am rôl a chyfrifoldebau PMaA Cymru. Mae'r Bartneriaeth yn gyfrifol am gadw golwg ar weithredu ledled Llywodraeth Cymru a Chymru sy'n gysylltiedig ag arfordiroedd a moroedd ac un o rolau'r Cadeirydd yw cynnull aelodau i gydweithio â thimau Is-adran y Môr a Physgodfeydd ar unrhyw feysydd polisi newydd ac sy'n ymddangos.

Bydd y Cadeirydd yn arwain y Bartneriaeth hefyd i gyflawni tair thema sef Llythrennedd Cefnforol, Buddsoddi Cynaliadwy a Chynyddu Capasiti, gan ddefnyddio'r fframweithiau presennol yn ogystal â dulliau newydd ac arloesol, a meithrin cysylltiadau a rhwydweithiau er mwyn i grwpiau buddiant allu cyd-ddylunio a chydweithredu â'i gilydd.

Fodd bynnag, mae'r rôl yn golygu mwy na chadeirio grŵp o randdeiliaid yn unig. Mae'n ymwneud â bod yn llysgennad hyderus ac allblyg ac yn eiriolydd brwd dros ein harfordiroedd a'n moroedd ar ran y Gweinidog Newid Hinsawdd.

Bydd y Cadeirydd hefyd yn cadeirio grwpiau gorchwyl a gorffen strategol o randdeiliaid. Yn benodol y Bartneriaeth Moroedd Glân, Grŵp Llywio Parthau Cadwraeth Morol, a grwpiau ad hoc eraill er enghraifft Cynllunio Morol, ac yn sefydlu cysylltiadau â rhanddeiliad ar draws portffolios Llywodraeth Cymru, er enghraifft, gyda'r Grŵp Cynghori Gweinidogol Cymru ar Bysgodfeydd a grŵp Archwiliad Dwfn Bioamrywiaeth 30x30.

Bydd y Cadeirydd yn cyfarfod â'r Gweinidog Newid Hinsawdd ddwywaith y flwyddyn i adrodd ar yr hyn y mae'r grŵp wedi'i wneud o ran y tair thema ac argymhellion perthnasol Bioamrywiaeth 30x30.

Bydd disgwyl hefyd i'r Cadeirydd gydweithio'n agos yn y dyfodol â Chomisiynydd Cenedlaethau'r Dyfodol.

Cefnogir y Cadeirydd gan yr Is-adran Morol a Physgodfeydd, sy'n darparu'r ysgrifenyddiaeth ar gyfer y Bartneriaeth.

Manyleb y Person

Bydd y rôl yn gofyn am brofiad o weithio gydag amryw o grwpiau rhanddeiliaid ac o wneud gwaith hwyluso a darganfod a bydd gofyn am ddealltwriaeth ymarferol o Ddeddf Llesiant Cenedlaethau'r Dyfodol, Deddf y Môr a Mynediad i'r Arfordir, Rhaglen Lywodraethu Llywodraeth Cymru, Cynllun Morol Cenedlaethol Cymru a fframweithiau deddfwriaethol perthnasol.

Dylai'r Cadeirydd fod yn eiriolwr ac yn hyrwyddwr brwd dros yr amgylchedd morol gan ddeall ei bwysigrwydd i gymunedau. Dylai'r Cadeirydd feddu ar brofiad o weithio gyda grwpiau cymunedol a rhanddeiliaid yng Nghymru sydd â diddordeb yn y maes hwn.

Dylai'r Cadeirydd, gydag ymrwymiad ac angerdd, fynd i'r afael â heriau'r argyfyngau hinsawdd a natur a mynd ar drywydd a hyrwyddo rheolaeth gynaliadwy ar adnoddau naturiol gan ganolbwyntio ar yr amgylchedd morol.

I gael eich ystyried ar gyfer y penodiad, rhaid i chi allu dangos bod gennych y rhinweddau, y sgiliau a'r profiad i fodloni'r holl feini prawf hanfodol isod.

Meini prawf hanfodol

Rhaid i'r Cadeirydd allu dangos ei fod

- Yn gallu bod yn eiriolydd ac yn hyrwyddwr brwd dros yr amgylchedd morol a bydd ganddo brofiad o weithio gyda rhanddeiliaid a chymunedau yng Nghymru yn y maes hwn.
- Yn meddu ar y gallu i weithredu fel cadeirydd effeithiol gyda phrofiad o gadeirio uwch bwyllgor neu grŵp sy'n cynnwys amrywiaeth eang o randdeiliaid allanol
- Yn arwain mewn ffordd gynhwysol a chydweithredol a meddu ar allu amlwg i ennyn ffydd a hyder amrywiaeth eang o randdeiliaid.
- Yn meddu ar wybodaeth a dealltwriaeth o'r sectorau gwleidyddol a chyhoeddus yng Nghymru gan gynnwys Deddf Llesiant Cenedlaethau'r Dyfodol, Deddf y Môr a Mynediad i'r Arfordir, Rhaglen Lywodraethu Llywodraeth Cymru a Chynllun Morol Cenedlaethol Cymru.
- Yn meddu ar wybodaeth a dealltwriaeth gadarn o sut i ymgysylltu â'r gymuned o bersbectif amgylchedd y môr, yn unol â phum ffordd o weithio [Deddf Llesiant Cenedlaethau'r Dyfodol | LLYW.CYMRU](#)
- Wedi ymrwymo i ddeall a hyrwyddo'r materion sydd ynghlwm wrth gydraddoldeb, amrywiaeth a chynhwysiant
- Yn dangos ymrwymiad i [Saith Egwyddor Bywyd Cyhoeddus](#) (Egwyddorion Nolan), fel llysgennad dros Lywodraeth Cymru.

{Partneriaeth Moroedd ac Arfordiroedd Cymru (PMaA Cymru)}

Y Gymraeg

- Mae'r gallu i gyfathrebu yn y Gymraeg yn ddymunol.

Nodwch y sgiliau sy'n ofynnol ar gyfer pob un o'r categorïau isod (Deall, Darllen, Siarad a Sgrifennu) gan ddefnyddio'r [Canllaw i Sgiliau'r Gymraeg](#) isod.

Deall	Darllen	Siarad	Ysgrifennu
(Nodwch radd 0 – 5)	(Nodwch radd 0 – 5)	(Nodwch radd 0 – 5)	(Nodwch radd 0 – 5)
2	2	2	1

Mae Llywodraeth Cymru'n gorff dwyieithog ac mae sgiliau Cymraeg yn gaffaeliad i ni. Rydym yn hwyluso ac yn hyrwyddo defnyddio'r Gymraeg yn fewnol, ac yn annog ac yn cefnogi staff i ddysgu, meithrin a defnyddio'u sgiliau Cymraeg yn y gweithle.

Nid oes angen gallu siarad Cymraeg ar gyfer y rôl hon ond bydd gofyn i chi rannu'n hangerdd dros ei defnyddio. Gallwch wneud hynny fel siaradwr Cymraeg neu fel rhywun sy'n barod i ddysgu. Os nad ydych chi'n siarad Cymraeg, rhown yr help sydd ei angen arnoch i allu cyrraedd yr hyn a alwn yn lefel cwrteisi yn y Gymraeg yn eich blwyddyn gyntaf gyda ni fel eich bod chi'n gallu croesawu pobl i gyfarfod, ynganu enw cydweithiwr a chau cyfarfod yn Gymraeg.

Ffeithiau allweddol am y swydd

Lleoliad:

Gall y Cadeirydd weithio unrhyw le ond cynhelir cyfarfodydd ledled Cymru ac ar lein.

Ymrwymiad amser:

3-4 cyfarfod y flwyddyn gyda Phartneriaeth Moroedd ac Arfordiroedd Cymru a chyfarfodydd ychwanegol gyda rhanddeiliaid fel a ddisgrifir uchod. Rhagwelir tua 4 diwrnod y mis o waith.

Hyd y swydd:

Bydd y penodiad cychwynnol yn para 3 blynedd.

Tâl:

£256 y dydd, gyda chostau teithio ac eraill o fewn rheswm.

Gwrthdaro Buddiannau

Pan fyddwch yn ymgeisio, bydd gofyn ichi ddatgan unrhyw fuddiannau preifat a allai fod, neu y gellid dehongli eu bod, yn gwrthdaro â'ch rôl a'ch cyfrifoldebau fel Cadeirydd Partneriaeth Moroedd ac Arfordiroedd Cymru, gan gynnwys buddiannau busnes neu swyddi o awdurdod y tu allan i'r rôl ym Mhartneriaeth Moroedd ac Arfordiroedd Cymru.

Bydd unrhyw wrthdaro buddiannau yn cael ei drafod yn y cyfweiliad. Os cewch eich penodi, bydd disgwyl ichi hefyd ddatgan y buddiannau hyn ar gofrestr sydd ar gael i'r cyhoedd ei gweld.

Diwydrwydd Dyladwy

Bydd Uned Cyrrff Cyhoeddus Llywodraeth Cymru yn cynnal archwiliadau diwydrwydd

{Partneriaeth Moroedd ac Arfordiroedd Cymru (PMaA Cymru)}

dyladwy ar bob ymgeisydd sy'n cael ei ddewis i gyfweiliad. Bydd hynny'n cynnwys ymhlith pethau eraill, chwiliadau yn y cyfryngau cymdeithasol a'r Rhyngrwyd. O ganlyniad, gallem ofyn cwestiynau ichi yn y cyfweiliad am ffrwyth yr archwiliadau diwydrwydd dyladwy hyn.

Safonau mewn bywyd cyhoeddus

Bydd disgwyl ichi ddangos safonau uchel o ran ymddygiad corfforaethol a phersonol. Bydd gofyn i'r holl ymgeiswyr llwyddiannus gydymffurfio â Chod Ymddygiad Aelodau Byrddau Cyrff Cyhoeddus. Gallwch weld y ddogfen yma:

[Cod Ymddygiad ar gyfer Aelodau Bwrdd Cyrff Cyhoeddus Mehefin 2019
\(publishing.service.gov.uk\)](http://publishing.service.gov.uk)

Canllaw Lefel Sgiliau'r Gymraeg

Deall:

- 0 = Dim sgiliau
- 1 = Yn gallu deall rhannau o sgwrs sylfaenol
- 2 = Yn gallu deall sgysiau sylfaenol am bynciau pob dydd
- 3 = Yn gallu deall sgysiau cyffredin sy'n ymwneud â gwaith
- 4 = Yn gallu deall y rhan fwyaf o'r sgysiau sy'n ymwneud â gwaith
- 5 = Yn gallu deall pob sgwrs sy'n ymwneud â gwaith

Darllen:

- 0 = Dim sgiliau
- 1 = Yn gallu darllen rhai geiriau ac ymadroddion sylfaenol a'u deall
- 2 = Yn gallu darllen deunydd syml am bynciau pob dydd a'u deall
- 3 = Yn gallu darllen rhai deunyddiau cyffredin sy'n ymwneud â gwaith gyda chymorth e.e. geiriadur
- 4 = Yn gallu darllen y rhan fwyaf o ddeunyddiau sy'n ymwneud â gwaith
- 5 = Yn deall yn llawn pob deunydd sy'n ymwneud â'r gwaith

Siarad:

- 0 = Dim sgiliau
- 1 = Yn gallu cynnal sgwrs sylfaenol yn y Gymraeg
- 2 = Yn gallu cynnal sgysiau syml sy'n ymwneud â gwaith
- 3 = Yn gallu cael sgwrs am rai materion sy'n ymwneud â gwaith
- 4 = Yn gallu cael sgwrs am y rhan fwyaf o faterion sy'n ymwneud â gwaith
- 5 = Yn rhugl

Sgrifennu:

- 0 = Dim sgiliau
- 1 = Yn gallu sgrifennu negeseuon sylfaenol am bynciau pob dydd
- 2 = Yn gallu sgrifennu gohebiaeth seml sy'n ymwneud â gwaith
- 3 = Yn gallu paratoi deunydd cyffredin sy'n ymwneud â gwaith, o'i gael wedi'i wirio
- 4 = Yn gallu paratoi'r rhan fwyaf o waith ysgrifenedig yn y Gymraeg
- 5 = Yn gallu paratoi deunydd ysgrifenedig am bopeth sy'n ymwneud â gwaith

Rôl a chyfrifoldebau Partneriaeth Moroedd ac Arfordiroedd Cymru (PMaA Cymru)

Cefndir

Mae amrywiaeth eang o randdeiliaid o bob rhan o'r sector moroedd ac arfordiroedd yn perthyn i Bartneriaeth Moroedd ac Arfordiroedd Cymru. Maen nhw wedi ymrwymo i gydweithio i wireddu'n gweledigaeth fel y'i disgrifir yng [Nghynllun Morol Cenedlaethol Cymru](#) ar gyfer moroedd glân, iach, diogel, cynhyrchiol a bioamrywiol.

Mae'r Bartneriaeth yn esiampl o sut y gall ymgorffori pum ffordd o weithio [Deddf Llesiant Cenedlaethau'r Dyfodol](#) helpu i daclo'r newid yn yr hinsawdd a chryfhau amgylchedd y môr i wrthsefyll ei effeithiau. Mae PMaA Cymru yn rhoi sylw mawr ar fod yn allblyg a meithrin cysylltiadau a rhwydweithiau er mwyn i grwpiau buddiant allu cyd-ddylunio a chydweithio â'i gilydd.

Yn ogystal â thrafod a chynnig sylw ac adborth ar bolisi morol Cymru, mae PMaA Cymru'n gweithio i gyflawni tri 'cham galluogi' y mae gofyn eu cymryd i ni allu gwireddu'n gweledigaeth ar gyfer moroedd Cymru:

- Datblygu **llythrennedd cefnforol** ym mhob rhan o gymdeithas. Trwy wneud pobl yn fwy ymwybodol o bwysigrwydd ein moroedd a'n harfordiroedd, anogir gweithredu ar draws meysydd polisi a fframweithiau gweinyddol eraill fel Byrddau Gwasanaeth Cyhoeddus.
- Bydd **buddsoddi cynaliadwy tymor hir** a datblygu ffynonellau cyllid cyhoeddus a phreifat mwy tymor hir yn hanfodol i allu cyflawni'r prif amcanion
- **Cynyddu capasiti** yn enwedig yn lleol, er mwyn gallu ymgysylltu mewn ffordd ystyrlon â chymunedau i nodi cyfleoedd a heriau lleol ac i weithredu.

Mae ei waith ar hyn o bryd yn cynnwys:

- Datblygu strategaeth ar lythrennedd cefnforol i Gymru a chymryd i gysylltu pobl â'i gilydd a gweithio i bwysleisio pwysigrwydd amgylchedd y môr a'n heffeithiau arno.
- Dylanwadu ar gynnwys Cynllun Môr a Physgodfeydd Cymru, yn enwedig o ran datblygu elfen newydd i gynyddu capasiti fydd yn meithrin cysylltiadau mwy tymor hir a meithrin capasiti cymunedau arfordirol i nodi a chymryd camau lleol.
- Ystyried mecanweithiau cyllido cyfun ar gyfer amgylchedd morol Cymru.
- Helpu i roi [Archwiliad dwfn bioamrywiaeth 30x30](#) ar waith i gynyddu capasiti, datblygu sgiliau, newid ymddygiad a chodi ymwybyddiaeth am yr amgylchedd morol.

Ym mis Hydref 2022, cafodd enw Grŵp Cyngori a Gweithredu Cymru ar Faterion Morol ei newid i Bartneriaeth Moroedd ac Arfordiroedd Cymru (PMaA Cymru) a phenderfynodd y Gweinidog Newid Hinsawdd wneud y penodiad newydd hwn i adlewyrchu'r ffocws newydd ar gydgyhyrchu, cydweithio a phartneriaeth wrth weithio. Cyhoeddir y Cylch Gorchwyl a'n Cyd-Naratif yma: [Cylch gorchwyl: Partneriaeth Moroedd ac Arfordiroedd Cymru \(PMaA Cymru\) | LLYW.CYMRU](#)

Y broses ddewis

Bydd y panel cyfweld yn asesu CV a datganiad personol pob ymgeisydd i benderfynu pwy sy'n bodloni'r meini prawf ar gyfer y rôl orau, a phwy fydd yn cael ei wahodd i gyfweliad. Bydd y panel yn dibynnu ar yr wybodaeth yr ydych yn ei darparu yn eich CV a'r datganiad i asesu a ydych yn meddu ar y sgiliau a'r profiad gofynnol. Gofalwch eich bod yn darparu tystiolaeth i ddangos sut rydych yn bodloni pob un o'r meini prawf hanfodol.

Alice Teague, Dirprwy Gyfarwyddwr Is-adran y Môr a Physgodfeydd fydd yn cadeirio'r panel dewis, gyda chefnogaeth Peter Davies, y Cadeirydd sy'n ymadael a Rhian Jardine, aelod annibynnol o'r panel.

Gan ddibynnu ar nifer y ceisiadau a ddaw i law, efallai y bydd eich cais yn cael ei roi ar restr hir cyn cael ei roi i'r panel sy'n llunio rhestr fer i'w ystyried. Dylech fod yn ymwybodol efallai na fydd eich cais yn cael ei ystyried yn llawn gan y panel cyfan mewn sefyllfa fel hon.

Rydym yn rhagweld y bydd y panel ym mis Mawrth 2023 wedi penderfynu pwy i'w wahodd i gyfweliad ym mis Ebrill 2023. Ein bwriad yw cynnal y cyfweiliadau yn swyddfeydd Llywodraeth Cymru, Caerdydd CF10 3NQ.

Dim ond yr ymgeiswyr cryfaf y mae'r panel yn credu sydd wedi dangos eu bod yn bodloni'r meini prawf a nodwyd yn adran manyleb y person orau fydd yn cael eu gwahodd i gyfweliad. Er hynny, os ydych wedi ymgeisio o dan y cynllun gwarantu cyfweliad, a'ch bod yn bodloni'r **meini prawf hanfodol** ar gyfer y swydd, byddwch chi hefyd yn cael eich gwahodd i gyfweliad.

Os cewch eich gwahodd i gyfweliad ac os nad yw dyddiad y cyfweliad wedi'i nodi eisoes yn y pecyn gwybodaeth, byddwn yn ceisio rhoi cymaint o rybudd â phosibl ichi o ddyddiad y cyfweliad. Os na allwch fod yn bresennol ar y dyddiad hwnnw, fe wnawn ymdrechu i aildrefnu ond efallai na fydd hyn yn bosibl oherwydd cyfyngiadau amser o fewn yr amserlen benodi neu argaeledd y panel dewis.

Fe gewch e-bost gan ganolfan ymgeisio Llywodraeth Cymru i roi gwybod ichi a ydych wedi eich gwahodd i gyfweliad ai peidio.

Os cewch eich gwahodd i gyfweliad, bydd y panel yn eich holi am eich sgiliau a'ch profiad, gan ofyn cwestiynau penodol i asesu a ydych yn **bodloni meini prawf** y swydd.

Bydd yr ymgeiswyr y bydd y panel yn credu eu bod yn addas i'w penodi yn cael eu hargymhell i'r Gweinidogion, a fydd yn gwneud y penderfyniad terfynol. Gall y Gweinidog ddewis cwrdd ag ymgeiswyr y gellir eu penodi cyn gwneud penderfyniad. Os felly, bydd yn cyfarfod â'r holl ymgeiswyr ym mhresenoldeb cadeirydd y panel neu ei gynrychiolydd enwebedig. Bydd bwloch amser rhwng y cyfweliad a'r penderfyniad penodi terfynol. Bydd yr ymgeiswyr a fydd wedi'u cyfweld yn cael gwybod hynt y broses honno.

{Partneriaeth Moroedd ac Arfordiroedd Cymru (PMaA Cymru)}

Os byddwch yn llwyddiannus, cewch lythyr yn eich penodi'n Gadeirydd Partneriaeth Moroedd ac Arfordiroedd Cymru, a bydd y llythyr hwnnw hefyd yn cadarnhau amodau'r penodiad a gynigir ichi.

Os na fyddwch yn llwyddiannus, cewch wybod trwy ganolfan ymgeisio Llywodraeth Cymru. Rydym yn gwerthfawrogi bod ymgeisio am swyddi'n gofyn wrth lawer o amser ac ymdrech, ac felly mae rhoi adborth yn rhan werthfawr o'r broses. Felly, bydd y llythyr yn cynnwys manylion yr unigolyn y gallwch gysylltu ag ef i gael adborth am eich cyfweiliad a'ch cais, os dymunwch wneud hynny.

Ymholiadau

Oes gennych gwestiynau am eich cais, e-bostiwch

PenodiadauCyhoeddus@llyw.cymru.

Os nad ydych yn hollol fodlon

Nod Llywodraeth Cymru yw prosesu'r holl geisiadau mor gyflym â phosibl a thrin pob ymgeisydd yn gwrtais. Os oes gennych unrhyw gwynion am y ffordd y deliwyd â'ch cais, e-bostiwch PenodiadauCyhoeddus@llyw.cymru.

Neu gallwch ysgrifennu at: Y Comisiynydd Penodiadau Cyhoeddus, 1 Horse Guards Road, Llundain SW1A 2HQ